

PHILIPS

AC0650



Manuali i përdorimit

Përmbajtja

1	E rëndësishme	2
	Siguria	2
	Deklarata EU e konformitetit, versioni i shkurtuar	3
2	Pastruesi i ajrit	3
	Përmbledhje e produktit	3
	Përmbledhje e komandave	4
3	Përdorimi i pastruesit të ajrit	4
	Instalimi i filtrit	4
	Funksionimi i treguesit të Wi-Fi	5
	Lidhja me Wi-Fi	5
	Lidhja e energjisë elektrike	6
	Ndezja dhe fikja	6
	Ndryshimi i vendosjes së modalitetit	6
	Rikthimi në parametrat e fabrikës	7
4	Pastrimi	7
	Grafiku i pastrimit	7
	Pastrimi i trupit të pastruesit të ajrit	7
	Pastrimi i sipërfaqes së filtrit	7
5	Ndërrimi i filtrit	8
	Kuptimi i bllokimit për mbrojtjen e ajrit të shëndetshëm	8
	Ndërrimi i filtrit	8
	Resetimi i kohës së filtrit	8
6	Ruajtja	9
7	Zgjidhja e problemeve	9
8	Njoftime	11
	Fushat elektromagnetike (EMF)	11
	Riciklimi	11
9	Garancia dhe mbështetja	11
	Porositja e pjesëve ose aksesorëve	11

1 E rëndësishme

Siguria

Lexoni me kujdes këtë manual përdorimi përpara se ta vini në punë pajisjen dhe ruajeni për referencë në të ardhmen.

Për të siguruar performancë optimale, rekomandojmë që pastruesi të përditësohet në versionin e fundit. Këtë përditësim mund ta bëni përmes aplikacionit Air+.

Rrezik

- Mos e pastroni pajisjen me ujë, me ndonjë lëng apo detergjent tjetër (që merr flakë), në mënyrë që të shmangni goditjen elektrike dhe/ose ndonjë rrezik për zjarr.
- Mos spërkatni përreth pajisjes materiale që marrin flakë, të tilla si insekticidet apo parfumet.

Paralajmërim

- Përpara se ta lidhni pajisjen kontrolloni nëse tensioni i treguar në pajisje përkon me tensionin e rrjetit elektrik lokal.
- Nëse kordoni elektrik është i dëmtuar, ai duhet ndërruar nga "Philips", nga një pikë shërbimi e autorizuar nga "Philips" ose nga persona me kualifikim të ngjashëm, në mënyrë që të shmangni rreziqet
- Mos e përdorni pajisjen nëse ushqyesi, kordoni elektrik ose vetë pajisja është e dëmtuar.
- Përdorni vetëm ushqyesin e miratuar (KA1201A-2400500EU) që vjen me pajisjen.
- Kjo pajisje mund të përdoret nga fëmijë të moshës 8 vjeç e lart dhe nga persona me aftësi të kufizuara fizike, ndijuese ose mendore, apo që kanë mungesë përvoje dhe njohurish vetëm nëse ata mbikëqyren ose udhëzohen për përdorimin e sigurt të pajisjeve dhe nëse kuptojnë rreziqet e përfshira.
- Fëmijët nuk duhet të luajnë me pajisjen.
- Pastrimi dhe mirëmbajtja nuk duhen kryer nga fëmijët pa qenë të mbikëqyruar.
- Mos bllokoni vrimat e hyrjes dhe të daljes së ajrit, p.sh. duke vendosur objekte mbi vrimën e daljes së ajrit ose përballë vrimës së daljes së ajrit.
- Sigurohuni që objektet e huaja të mos bien brenda në pajisje nëpërmjet vrimave të daljes së ajrit.
- Ndërfaqja standarde WiFi e bazuar në 802.11b/g/n në 2.4 GHz me një fuqi dalje maksimale jo më të lartë se 100 mW EIRP.
- Bluetooth versioni 5.0 (LE) në frekuencë 2.4 GHz me dalje RF më pak se 10 mW EIRP.

Kujdes

- Kjo pajisje nuk zëvendëson ajrimin e duhur, pastrimin e rregullt me fshesë me vakuum apo përdorimin e një aspiratori gatimi apo ventilatori gjatë gatimit.
- Gjithmonë vendoseni dhe përdoreni pajisjen mbi një sipërfaqe të thatë, të qëndrueshme, të niveluar dhe horizontale.
- Lini të paktën 20 cm hapësirë të lirë përreth pajisjes dhe të paktën 30 cm hapësirë të lirë mbi pajisje.
- Mos u ulni ose mos u mbështetni mbi pajisje. Mos vendosni asgjë mbi pajisje.
- Mos e vendosni pajisjen direkt poshtë një kondicioneri për të parandaluar kondensimin e tubave brenda në pajisje.
- Përdorni vetëm filtra origjinalë "Philips" të projektuar posaçërisht për këtë pajisje. Mos përdorni asnjë filtër tjetër.
- Djegia e filtrit mund të shkaktojë rrezik të paevitueshëm për njerëzit dhe/ose mund të rrezikojë jetën e tyre. Mos e përdorni filtrin si lëndë djegëse ose për ndonjë qëllim të ngjashëm.
- Shmangni përplasjet me pajisjen (në veçanti vrimën e hyrjes dhe të daljes së ajrit) me objekte të forta.
- Mos fusni kurrë gishtat apo objekte në vrimën e hyrjes dhe të daljes së ajrit, për të parandaluar lëndimin fizik ose problemet në funksionimin e pajisjes.
- Mos e përdorni pajisjen kur keni përdorur largues insektesh në formë tymi ose mos e përdorni në vende me mbetje vaji, tym djegieje ose me avuj kimikë.
- Mos e përdorni pajisjen pranë pajisjeve me gaz, pajisjeve ngrohëse ose oxhakëve të zjarrit.

- Gjithmonë, si fillim fikni pastruesin e ajrit dhe më pas hiqni përshtatësin nga priza elektrike kur dëshironi të zhvendosni pajisjen, ta pastroni atë, të ndërroni filtrat apo kur dëshironi të kryeni mirëmbajtje tjetër.
- Kjo pajisje është parashikuar vetëm për përdorim familjar në kushte pune normale.
- Mos e përdorni pajisjen në ambiente të lagështa ose në ambiente me temperatura të larta, si për shembull në banjë, tualet ose kuzhinë apo në një dhomë me ndryshime të mëdha temperature.
- Pajisja nuk largon monoksidin e karbonit (CO) ose radonin (Rn). Ajo nuk mund të përdoret si pajisje sigurie në rastin e aksidenteve me proceset e djegies dhe me kimikatet e rrezikshme.

Deklarata EU e konformitetit, versioni i shkurtuar


Nëpërmjet këtij dokumenti, DAP B.V. deklaron se radiopajisja e llojit AC0650 është në përputhje me direktivën 2014/53/BE. Teksti i plotë i deklaratës së konformitetit të BE-së gjendet në adresën e mëposhtme të internetit: www.philips.com.

2 Pastruesi i ajrit

Urime për blerjen dhe mirë se vini te Philips!


Për të përfitur plotësisht nga mbështetja që ofron "Philips", regjistroni produktin në faqen www.philips.com/support.

Përmbledhje e produktit



* Përdorni vetëm ushqyesin e dhënë.

Përmbledhje e komandave




3 Përdorimi i pastruesit të ajrit

Instalimi i filtrit

Hiqni të gjithë materialin e paketimit të filtrit përpara përdorimit të tij.

Shënim: Sigurohuni që pastruesi i ajrit është i hequr nga priza elektrike përpara instalimit të filtrit.





- 1 Rrotullojeni bazamentin në drejtim kundërorar për ta hequr nga pajisja.
- 2 Tërhiqni filtrin nga pajisja.
- 3 Hiqni të gjitha materialet e paketimit të filtrit të pastrimit të ajrit.
- 4 Vendoseni sërish filtrin në pajisje.
- 5 Rlmontoni bazamentin dhe rrotullojeni në drejtim orar për ta shtrënguar.

Funksionimi i treguesit të Wi-Fi

Statusi i ikonës së Wi-Fi	Statusi i lidhjes së Wi-Fi
Pulson në ngjyrë portokalli	Duke u lidhur me smartfonin
I qëndrueshëm në portokalli	I lidhur me smartfonin
Pulson në ngjyrë të bardhë	Duke u lidhur me serverin
E qëndrueshme në ngjyrë të bardhë	I lidhur me serverin
Joaktiv	Funksioni Wi-Fi i çaktivizuar

Lidhja me Wi-Fi

Konfigurimi për herë të parë i lidhjes me Wi-Fi

- 1 Shkarkoni dhe instaloni aplikacionin Philips "Air+" nga **App Store** ose **Google Play**.
- 2 Vendoseni spinën e ajërpastruesit në prizë dhe shtypni  për të ndezur ajërpastruesin.
 - ↳ Treguesi i Wi-Fi  pulson në portokalli për herë të parë.
- 3 Sigurohuni që smartfoni ose tableta juaj të jetë lidhur me sukses me rrjetin tuaj Wi-Fi.






Shënim:

- Aktivizoni funksionin e Bluetooth në smartfon për të mundësuar çiftimin e duhur.
- 4 Hapni aplikacionin "Air+" dhe klikoni te "Add a device" ose shtypni butonin "+" në ekran. Ndiqni udhëzimet në ekran për të lidhur pastruesin e ajrit me rrjetin tuaj.

Shënim:

- Ky udhëzim vlen vetëm kur ajërpastruesi konfigurohet për herë të parë. Nëse rrjeti ka ndryshuar ose konfigurimi duhet kryer sërish, shih kapitullin "Rivendosja e lidhjes me Wi-Fi" në faqen 5.
- Nëse do të lidhësh më shumë se një ajërpastrues me smartfonin apo tabletë, duhet t'i bësh një nga një.
- Sigurohu që distanca mes smartfonit apo tabletës dhe ajërpastruesit të jetë më pak se 10 m pa ndonjë pengesë.

Rivendosja e lidhjes me Wi-Fi


- 1 Vendoseni spinën e ajërpastruesit në prizë dhe shtypni  për të ndezur ajërpastruesin.
- 2 Shtypni  për 3 sekonda derisa të dëgjoni një tingull "bip".
 - ↳ Ajërpastruesi kalon në modalitet çiftimi.
 - ↳ Treguesi i Wi-Fi  pulson në portokalli.
- 3 Ndiqni hapat 3-4 te seksioni "Konfigurimi i lidhjes Wi-Fi për herë të parë".

Lidhja e energjisë elektrike

Shënim: Rrezik për goditje elektrike! Kur hiqni kordonin elektrik, gjithmonë hiqeni duke tërhequr spinën nga priza. Mos e tërhiqni kurrë kordonin.



Lidhni përshtatësin elektrik:

- Në fillim, në fole të elektrike në pajisje.
- Më pas, në prizën elektrike në mur.





Ndezja dhe fikja

Shënim:

- Për një performancë optimale në pastrim, mbyllni dyert dhe dritaret.
- 1 Shtypni butonin e energjisë  në pjesën e pasme të pastruesit të ajrit për ta ndezur atë.
↳ Ajërpastruesi punon në modalitet Medium me parazgjedhje.
 - 2 Shtypni përsëri butonin e ndezjes  për ta fikur ajërpastruesin.

Ndryshimi i vendosjes së modalitetit

Mund të zgjidhni midis modalitetit Turbo, Medium ose Sleep duke shtypur butonin e ndërrimit të modalitetit . Ndriçimi i butonit  tregon modalitetin aktual të punës:

- Modaliteti "Sleep"-ndriçimi më i ulët
- Modaliteti Medium - ndriçim i nivelit mesatar
- Modaliteti "Turbo"-ndriçim i nivelit më të lartë




Modaliteti "Turbo"

Në modalitetin "Turbo" pastruesi i ajrit punon me shpejtësinë më të lartë.



Modaliteti Medium

Në modalitetin Medium ajërpastruesi punon me shpejtësi mesatare.



Modaliteti "Sleep"

Në modalitetin "Sleep" pastruesi i ajrit punon pa zhurmë në shpejtësi të ulët.

Rikthimi në parametrat e fabrikës

Rikthejeni ajërpastruesin në vlerat bazë.

Rivendosni lidhjen me Wi-Fi nëse ndryshoni rrjetin bazë ose llogarinë tuaj të Philips.

- Shtypni njëherësh butonin  dhe  për 10 sekonda derisa të dëgjoni një "bip".

4 Pastrimi

Shënim:

- Mos përdorni kurrë agjentë pastrues gjërryes, agresivë ose që marrin flakë, si për shembull klori ose alkooli, për të pastruar pjesët e pajisjes.

Grafiku i pastrimit

Shpeshtësia	Mënyra e pastrimit
Kur nevojitet	Fshini sipërfaqen e pajisjes me një leckë të butë e të thatë
	Pastroni kapakun e vrimës së daljes së ajrit
Çdo katër javë	Pastroni sipërfaqen e filtrit

Pastrimi i trupit të pastruesit të ajrit

Pastroni rregullisht pjesën e brendshme dhe të jashtme të pastruesit të ajrit për të parandaluar grumbullimin e pluhurit.


- 1 Përdorni një leckë të butë e të thatë për pjesën brenda dhe jashtë të pastruesit të ajrit.
- 2 Vrima e daljes së ajrit mund të pastrohet gjithashtu me një leckë të butë e të thatë.

Pastrimi i sipërfaqes së filtrit

Fshini sipërfaqen e filtrit me një leckë të butë të njomë ose pastroni sipërfaqen e filtrit me një fshesë me korrent.


Shënim:

- Filtri mund të dëmtohet nëse përdorni një fshesë me vakuum me fuqi të madhe/ industriale.



5 Ndërrimi i filtrit


Kuptimi i bllokimit për mbrojtjen e ajrit të shëndetshëm



Kjo pajisje përfshin një funksion bllokimi për mbrojtjen e ajrit të shëndetshëm, për të garantuar që filtri "NanoProtect" është në gjendje optimale ndërkohë që pajisja është duke punuar. Kur koha e filtrit është afër fundit, ndizet sinjalizimi për ndërrimin e filtrit (), që tregon se filtri duhet ndërruar.

Ndërrimi i filtrit


Shënim:



- Filtri nuk mund të lahet ose të përdoret përsëri.
- Gjithmonë fiken pastruesin e ajrit dhe hiqeni atë nga prizën elektrike përpara ndërrimit të filtrit.



- 1 Rrotullojeni bazamentin në drejtim kundërorar për ta hequr nga pajisja.
- 2 Tërhiqni filtrin nga pajisja. Hidheni filtrin e përdorur.
- 3 Hiqni të gjitha materialet e paketimit të filtrit të ri.
- 4 Vendosni filtrin në pajisje.
- 5 Rilmontoni bazamentin dhe rrotullojeni në drejtim orar për ta shtrënguar.
- 6 Futni spinën e pastruesit të ajrit në prizën elektrike.
- 7 Shtypni butonin e ndezjes  për të ndezur pajisjen.
- 8 Shtypni dhe mbani  për 3 sekonda për të resetuar numëruesin e jetëgjatësisë së filtrit.
- 9 Lani duart mirë pas ndërrimit të filtrit.

Resetimi i kohës së filtrit

Ju mund ta ndërroni filtrin edhe më përpara se drita sinjalizuese për ndërrimin e filtrit () të shfaqet në ekran. Pas ndërrimit të filtrit ju duhet ta resetoni manualisht numëruesin e jetëgjatësisë së filtrit.

- 1 Shtypni butonin e energjisë  për të ndezur pajisjen.
- 2 Brenda 10 sekondash pas ndezjes, prekni dhe mbani butonin e ndërrimit të modalitetit  për 5 sekonda për të resetuar numëruesin e jetëgjatësisë së filtrit.



6 Ruajtja

- 1 Fikni pastruesin e ajrit dhe shkëputeni atë nga priza elektrike.
- 2 Pastrojeni ajërpastruesin dhe sipërfaqen e filtrit (shihni kapitullin "Pastrimi").
- 3 Lërimi të gjitha pjesët të thahen plotësisht në ajër përpara se ta vendosni në ruajtje.
- 4 Mbështillni filtrin me qese plastike hermetike ndaj ajrit.
- 5 Vendoseni pastruesin e ajrit dhe filtrin e tij në ruajtje në një vend të freskët dhe të thatë.
- 6 Lani gjithmonë mirë duart pas veprimeve me një filtër.

7 Zgjidhja e problemeve

Ky kapitull përmbledh problemet më të shpeshta që mund të hasni me pajisjen. Nëse nuk keni mundësi ta zgjidhni problemin me informacionin e mëposhtëm, kontaktoni me qendrën e kujdesit për klientin në vendin tuaj.

Problemi	Zgjidhja e mundshme
Pajisja nuk punon edhe pse është e vendosur në prizë.	<ul style="list-style-type: none">• Sinjalizimi për ndërrimin e filtrit pulson, por nuk e keni ndërruar filtrin përkatës. Si rezultat, pajisja tani është e bllokuar. Në këtë rast, ndërroni filtrin dhe resetoni numëruesin e jetëgjatësisë së filtrit.
Rryma e ajrit që del jashtë nga vrima e daljes së ajrit është dukshëm më e dobët sesa më parë.	<ul style="list-style-type: none">• Sipërfaqja e filtrit është bërë pis. Pastroni sipërfaqen e filtrit (shihni kapitullin "Pastrimi").
Cilësia e ajrit nuk përmirësohet, edhe pse pajisja ka qenë në punë për një kohë të gjatë.	<ul style="list-style-type: none">• Kontrolloni nëse keni hequr nga filtri materialin e paketimit.• Sigurohuni që filtri është montuar saktë.• Dhoma është e madhe ose cilësia e ajrit jashtë është e keqe. Për një performancë optimale në pastrim, mbyllni dyert dhe dritaret gjatë kohës që përdorni pastruesin e ajrit.• Në ajrin brenda ka burime ndotëse. Për shembull, tym duhani, tym gatimi, tym djegieje.• Filtri po arrin fundin e jetëgjatësisë së përdorimit. Ndërroni filtrin me një filtër të ri.
Pajisja lëshon një aromë të çuditshme.	<ul style="list-style-type: none">• Herët e para që përdorni pajisjen, ajo mund të lëshojë një aromë plastike. Kjo është normale. Megjithatë, nëse pajisja lëshon një aromë djegieje edhe nëse hiqni filtrin, atëherë kontaktoni me shitësin e "Philips" ose me një qendër shërbimi të autorizuar nga "Philips". Filtri mund të lëshojë aromë pasi është përdorur për një farë kohe, për shkak të thithjes së gazeve të ajrit të brendshëm. Rekomandohet që ta riaktivizoni filtrin duke e vendosur atë në dritën direkte të diellit për të vazhduar përdorimin e tij. Nëse aroma vazhdon akoma, ndërroni filtrin.

Problemi	Zgjidhja e mundshme
<p>Pajisja bën shumë zhurmë.</p>	<ul style="list-style-type: none"> • Kontrolloni nëse është hequr paketimi i filtrit. • Pajisja punon në shpejtësi të lartë kur cilësia e ajrit është e keqe, gjë e cila shkakton zhurma më të mëdha. Kur përdorni pajisjen në një dhomë gjumi gjatë natës, zgjidhni shpejtësinë "Sleep" (Gjumë). • Nëse bie diçka brenda në vrimën e daljes së ajrit, ajo mund të shkaktojë nivele të larta zhurme. Fikni menjëherë pajisjen, kthejeni atë përmbys për ta nxjerrë objektin jashtë pajisjes.
<p>Pajisja tregon ende se duhet të ndërroj filtrin, ndërkohë që e kam ndërruar atë.</p>	<ul style="list-style-type: none"> • Ndoshta nuk keni resetuar numëruesin e jetëgjatësisë së filtrit. Ndizni pajisjen. Më pas shtypni dhe mbani butonin e ndërrimit të modalitetit () për 3 sekonda derisa  të zhduket.
<p>Konfigurimi i Wi-Fi nuk përfundoi me sukses.</p>	<ul style="list-style-type: none"> • Nëse rrugëzuesi në të cilit është lidhur pajisja është me dy banda dhe aktualisht nuk është i lidhur në një rrjet 2.4GHz, kaloni në një bandë tjetër të të njëjtit rrugëzues (2.4GHz) dhe riprovoni ta lidhni ajërpastruesin. Rrjetet 5GHz nuk mbështeten. • Nuk mbështeten rrjetet e autentikimit nga interneti. • Kontrolloni nëse pajisja ndodhet brenda rrezes së rrugëzuesit Wi-Fi. Mund të provoni ta vendosni pastruesin e ajrit më pranë rrugëzuesit Wi-Fi. • Kontrolloni nëse është saktë emri i rrjetit. Emri i rrjetit bën dallim mes germave të mëdha e të vogla. • Kontrolloni nëse fjalëkalimi i Wi-Fi është i saktë. Fjalëkalimi bën dallim mes germave të mëdha e të vogla. • Riprovoni konfigurimin duke ndjekur udhëzimet në kapitullin "Lidhja me Wi-Fi"). • Lidhja me Wi-Fi mund të ndërpritet nga interferenca elektromagnetike apo natyre tjetër. Mbajeni pajisjen larg nga pajisjet e tjera elektrike që mund të shkaktojnë interferenca. • Kontrolloni nëse pajisja celulare është në modalitetin e avionit. Sigurohuni që të çaktivizoni modalitetin e avionit kur kryeni lidhje në një rrjet Wi-Fi. • Shihni seksionin e ndihmës në aplikacion për këshilla më të plota dhe më të reja për zgjidhjen e problemeve.

8 Njoftime

Fushat elektromagnetike (EMF)

Kjo pajisje është në përputhje me të gjitha standardet dhe rregulloret në fuqi për ekspozimin ndaj fushave elektromagnetike.

Riciklimi

Ky simbol do të thotë që produkti nuk duhet të hidhet me mbeturinat normale të shtëpisë (2012/19/BE).



Ndiqni rregullat shtetërore për hedhjen e veçuar të produkteve elektrike dhe elektronike. Hedhja e duhur ndihmon në parandalimin e pasojave negative ndaj mjedisit dhe shëndetit të njeriut.

9 Garancia dhe mbështetja

Versuni ofron një garanci dyvjeçare pas blerjes për këtë produkt. Kjo garanci nuk vlen nëse defekti ndodh për shkak përdorimi të gabuar apo mosmirëmbajtjeje. Garancia jonë nuk prek të drejtat tuaja sipas ligjit si konsumator. Për më shumë informacion ose për të përdorur garancinë, ju lutemi të vizitoni faqen tonë të internetit www.philips.com/support.

Porositja e pjesëve ose aksesorëve

Nëse ju duhet të ndërroni një pjesë ose nëse dëshironi të blini një pjesë shtesë, shkoni te shitësi juaj i Philips ose vizitoni www.philips.com/support.

Nëse keni probleme me blerjen e pjesëve kontaktoni me Qendrën e Kujdesit për Klientin të "Philips" në vendin tuaj.



Philips dhe emblema në formë mburoje e Philips janë marka të regjistruara tregtare të Koninklijke Philips N.V. dhe përdoren nën licencë.

Ky produkt është prodhuar dhe shitet me përgjegjësinë e Versuni Holding B.V., dhe Versuni Holding B.V. është garantuesi në lidhje me këtë produkt.

2023 © Versuni Holding B.V.

AC0650_UM_v1.0 (09/08/2023)

